

太上靈寶玉匱明真大齋言功儀 化四

廣成先生杜九度修

眾官依位導引昇壇念入戶呪

上十方香北方

次上洞案香念上香呪

各禮師存念如法

宣衛靈呪

鳴法鼓二十四通

元上三天玄元始三氣太上老君召出臣等身中三五功曹左右官使者左右龍虎君侍

香金童傳言玉女五帝直符直日香官各三十六人出當召某處土地里域真官正神速

出關啓巨今正爾燒香奉為某奉修靈寶九幽玉匱明真還神大禱功圓事畢昇壇拜表

焚燒真文復職還官言功設醮重明功德願得

太上十方正真生炁降沛臣等身中所啓速

達上御

至真無極玉皇上帝御人各三禮

各稱法位

各稱法位

上清玄都大洞三景弟子元上三洞法師奉

行明真大齋法事某敬某帝先生小兆真人

臣某等今故燒香以是功德上為

帝王太子皇后皇妃致福延禧保安國祚

某廟皇帝尊靈遊宴玉京超凌宸極今故燒

香歸身歸神歸命

太上靈寶自然至真無上大道特乞玄造流

恩洪釐廣被仙靈受度證品成真侍衛道君

逍遙無上金闕七寶自然管水與道合啟啓

玄感上御

十方無極至真道前

禮十方從東方起

禮足各長跪歸命懺悔

次三業懺

三啓

次收真文內音東南西北中

次弟子執真文於香煙上師面壇中

叩齒十二通呪曰

元始大帝高上玉皇普告十方無上無下無

極神鄉三十二天隱韻靈章五文結氣八會

流光今日大有萬善敷張定名仙圖列籍紫

房修齋行道介福還神幽關朗晏冥夜開光

超登三界景侍虛皇帝圖延永壽祚無疆萬

真鑿祐四海太平妖星湯滌中外康寧請如

所告金馬驛程

安真文於御案上待隨表焚之

重稱法位

上清玄都大洞三景弟子元上三洞法師奉

行靈寶明真大齋法事某敬某帝先生小兆

真人臣某等謹重上啓

太上無極大道元始天尊太上大道君太上

老君自然至真靈寶天尊尊聲救苦大慈天

尊五老上帝三十六部尊經玄中大法師三

界內外應感尊靈巨等叨荷玄功幸達道化

三乘御運五炁開光正法流行普度幽顯人

天荷賴生死膏榮而大教垂科開度為本上

唯邦國資祐

帝王使玄德遍覃神功遐布天地之內存歿

同懼凡在群生常加濟護況奉明旨敢不上

聞

次讀詞

按如詞誠義深拯拔恭依玄式敷教壇場燒
 香然燈轉經行道輒坡靈輶開露真文以八
 會寶書關明三界依時存注關告專靈翹想
 十華馳心八極冀蒙玄鑒普降洪休法事功
 圓願念周普群真復駕返羽衛於太空萬聖
 迴軒散祥輝於三境下照長夜廣度陰關大
 扇慈風咸除苦惱臣等按依科品瀝懇冥心
 以今月某日為始修崇齋醮行道轉經至其
 日圓滿今修齋事竟所請天仙地仙真人神
 人五嶽四瀆九宮五帝三河四海日月星宿
 兵馬騎乘諸天監齋直事侍香金童散花玉
 女傳言奏事飛龍騎吏等及靈寶官屬監齋
 衛真四方監察真官監臨衛護宣通召命營
 衛齋事有功勤者今當別拜黃繒朱表言功
 舉遷臣等恐進止犯科不明玄典乞垂赦宥
 仰戴玄恩齋之始所請智慧上品十戒齋
 事既畢謁還天宮後有法事當復啓請謹上
 啓聞伏須告報巨修齋事竟重明功德復諸

天位拜黃繒朱表一通在臣前奏案之上請
 省表文

次讀表

具錄職奉行靈寶明真大齋法事恭獻其帝
 先生小兆真人臣某稽首再禮

上啓

太上無極大道至真自然金闕下等稟質
 下凡自惟穢賤叨奉大法宣教度人下濟生
 靈上及邦國佐時效節質對幽明而於法無
 功動違科典夙夜震懼不敢違寧臣等頓首
 頓首臣等受法之日盟告三官約當佐國立
 功奏揚玄化使天地之內道訓宣行濟拔存
 亡開度一切臣今欽奉
 皇帝聖旨上叩大道奉為
 若廟皇帝專靈證聖成真昇入天府詞誠丹
 切披露聖神明明寸心感貫天地臣叨佩經
 法職主玄司欽奉綸音不勝震惕謹率同法
 道士若干人以內藏所出質信之禮依按玄
 科於某處置立靈壇法天象地四界八極玄
 應三清出入會真文內書寶字為天地神明

之信奉修太上靈寶九幽玉匱明真大齋若
 千日夜稽顙歸命披心貫誠於太陽之前三
 光之下盟齋歷懇然燈續明下照九幽無極
 世界九地重陰之中開諸光明照燭冥夜奉
 為恭懺謝九玄億世宗廟先靈前身所有滯
 染塵緣積諸障累恐未能於昭徹或尚致於冥
 行仰仗天恩咸希開釋離諸染着頓悟真常
 即使九土潛寧陵廟安穩魂神受鍊臟腑主
 華灌沐陽精消蕩陰滓五神扶衛騰景天堂
 世享福緣漸登道品垂祥後嗣延貺邦家帝
 祚隆昌皇圖克固聖朝納祐壽等萬衛太子
 諸王咸臻景祐后妃公主永保福祥內外臣
 寮允新祿祚六合清靜兩耀光華吉應日聞
 妖惡殄滅如蒙所願永街道恩謹當焚燒真
 文散灰揚煙上御諸天玄期有限不敢稽滯
 臣所修齋上請天仙兵馬神仙人兵馬飛仙兵
 馬真人兵馬神人兵馬日月星宿兵馬九宮
 五帝兵馬三河四海兵馬五嶽四瀆兵馬各
 九億萬駢三十二天監齋直事侍香金童散
 花玉女五帝直符傳言奏事飛龍騎吏等及

靈寶官屬三寶威神此間土地里域真官諸
是監臨衛護宜通召命營侍齋事有功勤者
一切嚴裝隨臣今表上詣玄都列受功賞進
品上真加爵帝秩隨品署真高下等級皆令
顯達一如太真之儀無令遺漏臣謹伏地拜
黃素朱表一通上聞

九天恩惟

太上無極大道太上大道君太上老君無上
玄老十方自然靈寶天尊已得道大聖眾至
真諸君丈人垂哀省覽敕勒天官典者曲垂
省理分別惟蒙

至聖鑒映丹情臣等學法未備俯仰之格恐
進止犯科不合儀式為四司所糾五帝所執
千愆萬罪乞蒙赦宥哀原未悟不見罪罰思
惟

太上分別求哀臣愚謹因真官直使正一功
曹左右官使者陰陽神決吏科車赤符吏剛
風騎置驛馬上章吏飛龍神龍天仙飛直騎
吏各二十四人出操臣謹為某奉修靈寶九
幽明真遷神拔度大齋事竟起壇遷職復諸

天位重明功德拜奏黃素朱表一通上詣太
上三夫曹伏須告報臣某誠惶誠恐稽首再
拜以聞

臣姓某屬某州縣宮觀住持

太上無形無名虛無自然至真大道无上元
尊金闕七寶玉陛下

太歲某年某月日

次叩齒三通啓曰

臣謹重啓

太上無極大道太上三尊十方大聖臣今拜

奏表文願敕功曹典者主領進御必使上合

天府應時行下閉氣昇章徑御

太上無極大道御前當令所請時下所召時

到所申者通所遷者遠若有下官故氣邀截

表文不使上御者錄付所在近司依律理罪

以明天憲臣等伏侍報應

次露表案上存神如常記

起再拜收表封函

次告金錄度命簡

元始符命金錄白簡敕若真符告下十方無

極世界三官九府百一十曹五帝考官九幽
地獄巨天力士執罰神兵司錄司命司功司
殺牛頭獄卒三界大魔拔度齋壇係薦應度
亡魂出離地獄永離長夜覩見光明萬罪蕩
除冤仇和釋乘此九真妙戒拔度功德上生
諸天一如告命

太歲某年某月日於某壇中告下

讀文訖法師叩齒九通呪曰

元始上聖玉帝高靈玉文告命濟死度生

金錄妙戒拯護幽冥白簡寶符九真玄經

解銷罪咎寬債和平赦苦具人削除罪刑

察命童子注上生名護戒威神引詣福庭

超離五苦乘駕雲輦輪轉得道飛昇上清

呪畢以簡隨真文表函焚之燎讚二

人持節洞案捧案監齋主同詣天門

焚表函真文白簡訖還復本位次告

山簡

今欽奉

皇帝聖旨於某處奉修靈寶九幽玉匱遷神

明真大齋若干日夜行道事訖投簡靈山願

神願仙飛行上清五嶽真人至神至靈乞削罪錄上名九天請詣靈山金龍驛傳

太歲某年某月日具位臣某於某處告文

讀訖香紙封龍配之

次弟子執於香煙上師叩齒十二通

呪曰

玄上開明元始監真上帝五老赤書丹文天地本始總領三元攝氣召會催促舉仙高上符命普告十方日月星宿五嶽靈山天上下冥靈大神監生主錄南上三門關領玉簡勳名丹篇削落罪目上補帝臣修齋行道上告九天總校圖錄削滅罪根魂神開度超出幽關行道事竟投簡靈山三塗罪對長夜蒙原寬仇釋散地府寧闕福延大業祚永乾坤今日上告萬真咸聞請以龍簡關盟真官乞

如所告金龍驛傳

呪畢眾官再禮

次讀水簡文

今欽奉

皇帝聖旨於某處奉修靈寶九幽玉匱還神

明真大齋若干日夜行道事訖投簡水府願神願仙三元同存九府水帝十二河源江河淮濟溟泠大神乞削罪錄上名九天請詣水府金龍驛傳

太歲某年某月日具位臣某於某處告文

元始五老上帝高尊十方至真太華靈仙赤文告命無幽不關上御九天請下玉文日月五星北斗七元中告五嶽四方靈山下告河海十二泉源九府水帝溟泠大神今日上告萬願開陳修齋行道上告九天總校圖錄削滅罪根幽夜開朗超度魂神三塗息苦長夜蒙原寬仇解散上昇諸天行道事訖投簡靈淵福祚隆永帝業長延請以龍簡告盟水官乞如所陳金龍驛傳

呪畢眾官再禮

次讀土簡文

今欽奉

皇帝聖旨於某處奉修靈寶九幽玉匱還神明真大齋若干日夜行道事訖投簡靈壇願神願仙長生度世飛行上清中黃九土戊巳

黃神土府五帝乞削罪刑請詣中宮投簡記名乞如所告金龍驛傳

太歲某年某月日具位臣某於某處告文

天地開張元氣分靈三元同存十方朗積五老上聞主死領生丹書赤文元始上經普告無下九地皇靈今日上告萬仙定生修齋行道告九天總校圖錄削滅罪根九地開朗還度魂神太陰息苦六趣寧閑和寬釋對上生諸天行道事竟投簡靈壇福流億世帝祚長延請以龍簡告盟地官乞如所告金龍驛傳

呪畢眾官再拜

投簡於壇上天井中或埋於月辰之上

次吟投龍讚

祈真登紫府全章

次稱名位降神設醮

具法職奉行靈寶明真大齋法事并嶽某帝先生小兆真人臣某等稽首再禮巨謹奉皇帝修建還神大齋謹奉降玉京玄都紫微上官十方大聖眾至

具諸君丈人飛仙真人玉童玉女應感分輝
降臨醮座

謹奉降天地靈仙諸天上聖日君月君日月
帝君真人神仙玉童玉女降臨醮座

謹奉降北極句陳天皇大帝君北斗七星君
南斗六星君三台六星君二十八宿君周天
三百六十五度星中大神星中帝君星中真
人降臨醮座

謹上請東方青帝九氣君南方赤帝三氣君
西方白帝七氣君北方黑帝五氣君中央黃
帝一氣君五帝真人玉童玉女降臨醮座

謹上請三元君上元天官中元地官下元水
官三官九府百二十曹五嶽大神十大洞天
三十六洞天二十四化三河四海九江水帝
十二河源九宮真人十二仙君九天司命五
嶽丈人九天使者儲副正職佐命大神天仙
地仙飛仙神仙玉童玉女兵馬騎乘降臨醮
座

謹上請三洞四輔侍經真官仙公仙伯仙卿
大夫九天御史玄中大法師天師嗣師系師

上古三師經師籍師度師三洞威神三寶官
屬降臨醮座

謹上請靈寶官屬領仙監齋直符真官侍香
將吏玉童玉女六甲神將六旬玉女六丁玉
女杜撰將吏一切靈司降臨醮座

謹請身中所佩二十四治執節監功大將軍
四部監功謁者上仙上靈直使正一功曹三
部功曹促氣功曹三五功曹等降臨醮座

謹請身中所佩陰陽神決吏科車赤符吏剛
風騎置驛馬上章吏飛龍騎吏天具飛仙騎
吏上部使者中部使者都官使者郎吏虎賁
察姦句騎吏都官僕射天丁力士天驍甲卒
等降臨醮座

謹請收氣食氣吏收神食神吏收鬼食鬼吏
收邪食邪吏收精食精吏收毒食毒吏誅符
破廟吏等降臨醮座

謹奉請某皇帝本命神將元辰神將大小行
年本命星官驛馬將吏等降臨醮座

謹奉請四司五帝應感真靈三界職司衛壇
將吏虛空監察真日真符常界主司等降臨

醮座
奉請當處土地里城真官降臨醮座
巨謹上啓

太上三尊昊天上帝十方上聖三光九耀天
帝天君三界內外一切真靈伏願普降洪慈
分輝照鑒臣以夙承餘福得誕今生叨佩靈
文稟修玄教功輕塵露過重丘山誠宜束身
以自修檢而法許開度佐國立功補助帝王
宣弘道化今欽奉

皇帝聖旨追薦某尊靈齋金龍紋繒香花贖
信恭依科典虔立靈壇奉修靈寶九幽明真
玉匱遷神拔度大齋若干日以某日某時
功圓事畢焚燒真文解壇復職重明功德設
醮言功願為某懺謝罪尤解銷冤對不經幽
夜昇入天堂瑩質朱陵鍊神丹霍上朝太極
飛步九清友萬帝以優游接羣真而宴處延
休帝業貽貽孫謀傳鳳曆於無疆固鴻圖於
億載同文共軌地久天长疫毒潛寧災凶殄
息兵戈不作水旱無侵夷夏惟康龍神翊衛
中黃上府陵寢常安十雨五風生靈永泰伏

太上靈寶玉賈明真大齋言功儀

冀三官拂簡紀錄齊功五帝迴軒鑒臨勝福
告下天地曹府幽明職司降祐垂祥普均四
海臣等不任懇願虔祈之至稽首再禮

次焚狀

奏獻錢馬

十三

臣重啓

靈壇感降內外真靈臣所修齊功德成就實
賴三寶官屬應感職司降此洪休副茲丹懇
啓奏傳送勞歷具官恐薦獻失儀違犯科典
動靜俯仰不合天儀再具披陳特乞原赦高
真上聖昇駕太空三界尊靈各還所部侍衛
官吏當境職司未就座者欽納誠禮陰陽將
吏內外正神佐國度人立功利物驅除氛沴
掃蕩妖兇使九土太平帝王萬壽三會之日
別當舉遷諸獄冥曹三徒六趣九幽滯爽萬
類孤魂賴茲遷拔之緣盡詣逍遙之境某等
稽首再禮奉辭

次送神頌

還戒頌

都講云衆官復職

高功都講列職各納職

次十二願

次復爐

次引弟子隨師昇天門出地戶

次解壇頌

出戶呪

次辭三師

次回向禮畢

太上靈寶玉簡明真大齊言功儀終

正一天師清微弟子百堅製作
道教學術資訊網站

二儀同卷

洞玄度靈寶自然券儀

洞玄靈寶自然齋儀

化五

洞玄度靈寶自然券儀

告齋竟

法師東向三上香叩齒三通

呪香

無上三天玄元始三炁太上老君召出自身
中三五功曹左右官使者左右捧香驛龍騎
吏侍香玉童傳言玉女五帝直符各三十六
人出關啓此間土地里城真官正神臣今正
爾燒香慶事願得太上十方正真之炁入目
身中所啓速達徑御

太上無極大道至真玉帝前

次長跪又叩齒二十四通出官

謹出自身中五體具官功曹吏出自身中上
三天執法開化陰陽功曹度道消災散禍解
厄君吏各十二人出自身中治職君吏某治